

H Y M N U S I.

- I, 1. Mediae noctis tempore  
prophetica vox admonet  
dicamus laudes domino  
patri semper ac filio.  
2. Sancto quoque spiritui  
perfecta enim trinitas  
uniusque substantiae  
laudanda nobis semper est.  
3. Terrorem tempus hoc habet  
quo cum vastator angelus  
Aegypto mortes intulit  
delevit primogenita.  
4. Haec hora justis salus est  
quos ibidem tunc angelus  
ausus punire non erat  
signum formidans sanguinis.  
5. Aegyptus flebat fortiter  
natorum dira funera  
solus gaudebat Israel  
agni protectus sanguine.  
6. Nos vero Israel sumus  
laetemur in te domine  
hostem spernentes et malum  
Christi defensi sanguine.

*Murat.  
I, 1 tempus eff.*

Hymnus I. ad nocturnum media nocte. Murat. 133. Thom. 404.

3, 1. Thom. quod cum. Interpres quo tum legisse videtur.